

HEZKUNTZA BEREZIA. Administrazioari dei egin dio bi sareen arteko banaketa oreka dezan

Arartekoak sare publikoko ikastetxe batzuk «'ghetto'» bihur litezkeela dio

Hezkuntza premia berezia duten ikasleak zentro jakin batzuetan biltzen direla ohartarazi du

Luis Karlos Garcia | GASTEIZ

Sare publikoko zenbait elkartetan aurten egindako salaketari jarraikiz, Euskal Autonomia Erke- degoko arartekoak ere ohartarazi du hezkuntza premia berezia duten haur eta gazteak sare publikoko ikastetxe jakin batzuetan hartzeak zentrooi «ghetto» bilakatzeko arriskua dakar- kiela. Gaiari buruzko ezohiko lana aurkeztean adierazi zuen hori jarduneko ararteko Mertxe Agundezek, atzo.

Txostenean, gogor salatu dute «zentroen eta sareen arteko banaketa egokia ez izatea». Arartekoak gogora ekarri du, sare publikoaz gain, pribatuko ikastetxe kontzertatuak ere esku hartu beharra dutela ikasle talde berezi hori dela eta.

Arartekoaren azterlanean, ondorioztatu dute «ezinbesteko» dela «neurri zuzentzaileak lehenbailehen hartzea». Horretarako, administrazioak duen erantzukizuna ekarri dute gogora, «hezkuntza sistema ia osoa, titulartasuna publikoa izan edo pribatua izan, diru publikoek finantzatuta dagoelako eta, beraz, arau berek zuzenduta».

Zentroetan 'ratio'-ak indarrean ezartzeko gomendatu du

Txostengileek adierazi dute gainditu egin behar dela hezkuntza premia bereziak dituen ikasleak hartzeko irizpide zaharra; elbarritasunen bat edo beste pairatzen dutenez gain (eskola populazio osoaren



DAVID AGUILAR
Juan Maria Atutxa Legebiltzarreko lehendakaria eta Mertxe Agundez arartekoa, atzo.

%1,9), egoera sozio-ekonomiko larrian diren familien haurrak eta etorkin askorenak ere aintzat hartu behar baitira. Hala, gizarte bazterketaren era berriak gogoan izanez gero, aipatutako kopurua lau halako gehituko litzateke. Kasu gehientzuek A ereduak hartzen dituela baieztatu da.

Hortaz, Arartekoak gomendatu du «ikasle guztientzako ratio»-ak indarrean ezartzea», gehien nahiz gutxien jota eskolatutako beharrek argi eta argi lagata. Halaber, «matrikulazio

arautegia aldatzeko» eskatu du, banaketa orekatua lortu ahal izateko. Bestalde, ikasle segimendua egiteko aholkua ere eman du, zentro batzuetatik batera arazoirik gabe egotzi ez ditzen.

DBHn «oso lan eskasa» egiten ari dela kritikatu du

Mertxe Agundezek aurkeztutako txostenean beste gabezia baten berri ere eman dute, eta Derrigorrezko Bigarren Hezkuntzak aniztasuna eta hezkuntza premia bereziak behar bezala

ez dituela zaintzen eta «oso lan eskasa» egiten ari dela kritikatu dute. «Egoera kezagarri samarra da, derrigorrezko tartea izanik», erantsi zuen Arartekoak atzoko agerraldian.

Nolanahi ere, lanean nabarmendu dute zenbait aurrerapauso eman direla ikasleria integratzeko politikaren alde. Esate baterako, ikasle ia guztiak (%92) zentro arruntetan eskolatuta daudela txalotu du.

Haur eta gaztetxoaren egoeraz Arartekoak egin duen hirugarren txostena da.

erakusteko. Hortaz, agerian laga du Justizian, osasun arloan eta irakaskuntzan «euskaldunek jasaten duten eskubide murritzeta».

EHEk «indarrak bide bakarrean jartzeko» deia egin du

EHE euskararen aurkako eten- gabeko erasoaren jakitun da, baina baita ere euskara berreskuratzeko lanean «herri mugimendu sendoa» dagoela.

«Orain indar guztiak bide bakarrean jarri, ofizialtasuna gauzatze bidean ipintzea da gako», azaldu du taldeak manifestazioa deitzeko prentsa oharrean.

EUSKARA

Hizkuntza atala egitura dadin eskatu du Euskal Konfederazioak berriz ere

Erredakzioa | BAIONA

Euskal Konfederazioak ohar andana helarazi zuen atzo, Hitzarmen Bereziaren hizkuntza ataleko Obragintza Publikoaren lehen bilkura dela eta. «Urteetan eskatua abiatua da. Haatik, egonkortasunik ez du ematen, eta ondoko urratsa behin-behinekotasunetik egituratzera heldzea» dela dio. Euskalgintzako elkarteak «funtsezko partaide gisa» hartuak izan daitezkeen eskatu du, eta ez dezatela berria prentsaren bidez jakin.

Banatu den diruari dagokionez, aldi honetan banatu dena ez dela urtekoa nabarmendu du. Alta, «lehen hiru urteetan bozkaturak baino gehiago harzitekeen». Euskararen kontseiluak «ez du zentimorik eskuratu». Euskal Konfederazioak dioenez, «ez daiteke abia dirurik gabe». Uztailaren 3an sortu beharra da.

Ikas-en baztertzear haserre

Ikasmaterialgintzaren zatiak du kritika biziena eragin. «Duela urte bat, prefetaren arabera, Ikas zen obralari eta irakaskuntzako lau sareen federatzaile gisa. Ikasle segitu behar du egitarauaren finkatzen eta gauzatzen. Orokorki aurreikusten da Obragintza Publikoak kontrako bidea hartu duela», deitoratu du Euskal Konfederazioak.

Aurkeztuak izan ziren hainbat proiektu baztertuak izan dira. Euskal Konfederazioak, Euskaldunon EGUNKARIAK, Gatu- zainek, UEUK eta Bertso- larien Lagunak elkarteak aurkeztu dosierrek ez dute erantzun baikorrik jaso.

Euskal Konfederazioari, hala ere, «irizpide zuzena» iruditzen zaio aisialdi alorreko jardueren sustapena, diruaren banaketa elkarte bakoitzak duen haur kopuruaren arabera finkatua baita.

Obratu, hitzartu eta eskas dena ikusiz, «hizkuntza politika orokorra nehoiz baino ozenkiago» galdetu dute.

EUSKARA. Euskal Herrian Euskaraz-ek deitu eta makina bat elkartek eta erakundek sostengatu dute

Euskararen ofizialtasuna aldarrikatuko dute gaur Gasteizen egingo den manifestazioan

Erredakzioa | GASTEIZ

Gasteizko kaleetan manifestazioa egingo da gaur, Euskal Herrian Euskaraz (EHE) taldeak deitu, *Legedi zapaltzaileen gaintik, ofizialtasuna* leloarekin. Mobilizazioa 17:30ean abiatuko da Bilbo plazatik, eta Andra Mari Zuriaren plazan amaituko da. Han agiri bana irakurriko dute Laura Mintegi irakasleak eta Jose Aldasoro EHEko kideak.

EHEk atzo jakinarazi zuenaren arabera, hainbat erakundek

bat egin dute manifestazioarekin. Hala, besteak beste, hauek agertu dira gaurko mobilizazioaren alde: Udabiltza, Oinarrriak, Euskal Konfederazioa, AEK, IKA, Bagare, Udako Euskal Unibertsitatea, Segi, Ikasle Abertzaleak eta Euskal Herriarrok.

Bultzatzaileek ohartarazi dute hizkuntza eskubideak bermatuko lituzkeen «Euskal Herri osorako lege berri eta bakarra» aldarrikatzeko garaia dela. «Euskara normalizatuko badu-

gu, ofizialtasuna Euskal Herri osoan dugu beharrezko, eta, horretarako, gaur egun ditugun legediak gainditu eta Euskal Herri osorako hizkuntza eskubideak bermatuko dituen lege berri baten beharra inoiz baino argiago dago», arazoitu du EHEk manifestazioaren funtsa azaltzean.

EHEk hainbat eta hainbat sakaketa publiko egin ditu azken bolada honetan, euskararen ofizialtasuna, Gipuzkoa, Araba eta Bizkaian ere, «errealitatean bete gabeko aldarri hutsa» dela